

۱ ۳ ۳ .) ۶ ~~~~~

اتبعون اهدكم سبيل الرشاد

صاحب و مدیر مسئول : ح . اشرف اربیب

اسلامیت حقنده

هه که لک مقاله سی مناسبتیه (تعلم نبی) ادعائه ربیه

۸

نسطوریلردن تعلم نبی ادعاسنک ردینه داتر بیان ایندیکمز دلائل، منصفانه دوشونلره بوتعلمک عدم امکانی حقنده اولدقجه قناعت حاصل ایتمشدر، ظن ایدرم. فقط یینه مغنلر اکسیک دکلدرد. « کتیریککز دلائل کندی کتابلریکزدندر. بناء علیه اونلره بزی الزام ایده مزسکزد. » دیه براعتراض ایده جک اولورلرسه جوابنده دیرز که: پک اعلا، جناب پیغمبرک نسطوریلرله ملاقات ایتدیکنی سز زهدن اوکرندیکز؟ یینه بزم کتابلریمزدن دکلی؟ کتب اسلامیه ده مبین اولان ملاقات مسئله سنی قبول ایدوبده دلائله کلنجه « ایشته اوراسنی دکله مز. چونکه کندی کتابلریکز بزمه معتبر دکلدرد. » دیه رک، برده واده حسابکزه کلن شقی آلوده دیکرینی معتبر عد ایتمه مکده نه کی برحق ادعا ایده بیلیرسکزد؟ بوکا ترجیح بلا مرجح دینیر که باطلدر، دیرز.

[لطیفه. — برینه نیچون نماز قیلمدیغی سورمشلر، اوده دیمش که: « جناب حق قران کریمده (یا ایهاالدین آمنو لاتقربوا الصلوة) یعنی نمازه یافلاشایکز، بیورمشدرده آنک ایچون قیلما. » ای ابراز ده اشاغیسی اوکو « دیمش، » اوراسی حسابه کلدیکی ایچون او قوم « دیمش، چونکه آبتک اشاغیسی (واتم مسکاری) کلیر، یعنی سرخوش اولدیقکز زمان نمازه یافلاشایکز، دیمکدر. شیمدی بزمکیلرده ملاقاته قدر او قیورلر، اشاغیسه باقیاورلر، حالبوکه بز یالکزد کندی کتابلریمزله دکل، برچوق دلائل عقلیه و منطقیه دن ماعدا، انجیل ایلده اثبات مدعی ایدیوزر.]

**

مع مافیه علمای کرام اسلامیه بواعراضیه ده قبول ایتمشلر و پک مقنع جوابلر ویرمشلردر، حضرت رسولک نسطوریلردن تعلم ایلدیکی ادعاسنه قارشنی اسحق افندی مرحومک ضیاءالقلوبنده شومطالعانه تصادف اولونمشدر:

فاضل مشارالیه حضرت فخر عالمک بحیرا ایله ملاقاتی، اولجه بیان ایتدیکمز اوزره، ایضاح بیوردقدن صکره دیورلر که: « هایدی ولو سلم حضرت رسول اکرم شام شریفه داخل اولوب بش، اون کون علمای یهود و نصاری ایله ملاقات ایتمش اولسون، بویه مدت قلیله ده واو یاشده علوم اولین و آخرین ایلد مش اولسه بیله یینه الک برنجی معجزه لردن عد اولونمغه شایان دکلدر؟ هم ده بو تقدیرجه ایکی مشکل سؤال وارد اولور: برنجیسی حضرت پیغمبره تعلیم ایله یین راهب بو قدر علومی حضرت پیغمبره تعلیم ایده جکنه کندیسه ادعای نبوت ایتسه اولمازمی ایدی؟ ایکنجیسی ده معلم بحیرا حضرت پیغمبردن ظهوره کلن علوم بی نهایتی عجیبا هانکی منبع و مأخذدن آلمش ایدی؟ چونکه حضرت نبی ذیشانک جانب حقندن تبلیغ ایلدیکی علوم احکام انجیل و توراتی مشتمل اولدقدن صکره بر قاق یوز مثلی ده

زیاده در، زیرا قران کریم - کما هو المشهور - آلتی بیک آلتی یوز آلتمش آلتی آیت اولارق احکام الهیه و معارف ربانییه یی حاوی اولدقدن ماعدا لسان الهام بیان جناب نبوتدن علوم و معارف وستنه، واجبات، مندوبات، منہیات، مکروهات و ائوراته داتریدی یوزیک حدیث شریف صحیح السند ظهور ایلدیکی عندالمحدثین ضبط و روایت ایدلمشدر. حتی بونی مؤید امام نسائی دیر که: یدی یوز الی بیک حدیث شریف جمع ایتمش ایدم، لکن الی بیک حدیثک سنندنده ضعف اولدینی جهته ترک ایله یوب یالکزد یدی یوز بیک حفظ ایلهدم.

حالا صحتی بین اليهود و النصاری مصدق و معتقد اولان توارت و انجیل دروننده قصصدن ماعدا امر و نهیه و سائر احکام دینییه متعلق آیاتک جمله سی بریره جمع ایدلسه یدی یوزه بیله بالغ اولماز. و بونی قران ایله انجیلی مقایسه بایمزدده اثبات ایلده دک (ضیاءالقلوبده). حال بویه ایکن حضرت محمد صلی الله علیه وسلم رهایین نصاراک هانکیسندن نه مقوله علم اخذ ایده بیلیر؟ برحوض صغیردن بر بحر محیط منشعب اولق ممکنیدر؟ بوندن ده معلوم اولور که قومی ایچنده بر راهب یوق ایکن بوافترایه جرأت اولوندینی حالده اکرینی اسرائیلدن بعث اولونسه یدی کیم بیلیر دهانه کونا کون افتالره بادی اولوردی! احتمال که جناب حق نبی محترمی اومقوله افتالردن صیانه نبی اسرائیلدن بحث ایتدی ده قوم نجیب عربدن بعث و ارسال بیوردی. اتمی

*

اسحق افندی مرحومک شویانات عالمانه و حکیمانه سنه قارشیه یینه قناعت کلیه رک حالا او ادعاده اصرار اولنور و دینیرسه که: « سز نه دیرسه کز دیککز، خرسیتانلنک حقایق اسرار و دقائق خفایاسنی او قدر مکمل بیلوبده ردی ایچون دخی او قدر قوتلی براهین کتابیه و دلائل منطقیه و حکمیه ایراد ایده بیلیمک تعلیمسز ممکن اولایله جک احوالدن دکلدرد. »

آرتق مناظره نک مکابره درجه سنه واردیفنه تأسف ایتمکه برابر جوابنده دیرز که: قرآنک حضرت رسول الله بویه کنه یله، حقیقیته اخبار و اعلام ایلدیکی شیلر، یالکزد حقایق و دقائق نصرانیه دخی عبارتدرلر؟ هایدی تسلیم ایدم نصرانیتی اول نبی ذیشان بحیرا و یا خود نسطورادن اوکرندی، یا یهودیتی زهدن اوکرندی؟ هایدی اونی ده ابن سلام کی، کعب الاخبار کی اسلام ایله مشرف اولان علمای یهوددن اوکرندی، یا صائیتی زهدن؟ هایدی اونی ده کفره قریشدن کندیسی بالذات تعلم ایلدی اوکرندی... بر طرفده ادعای نبوت ایدوب هر شیئی الله بکا اوکره دیور دیمک، دیکر طرفده اوته کندن بریکندن تعلم ایتک کی اضدادی جمع ممکن اولماغله برابر مناظره موجبنه قبول ایدیوزر، سزک دیدیککز اولسون. پک اعلی! یا عجبا تاریخی، جغرافیای، قوز موغرافیای، هیاتی، موالید

طبیعیاتی ، احکام شرایی ، علم حقوق ، حکمتی ، طبابتی ، سیاسی ، اخلاقی ، اقنومونی ، والحاصل علوم اولین و آخرین اول خواجه یکتای جهان کیم او کرتشدر ؟

شیمدی اوروباده اولدینی کبی اوزمانلرده دخی مکده ، جدهده ، طائفده ، فلانده دارالمعارفلمی موجود ایدی که حکمتخانه آسمانده سببخان اولان اول تلیذالهی بومکاتب ومکاسب دنیویه دن اکتساب علوم وفنون ایله مشلردر . دیه ادعا اولونابیلین .

سلایک اتحاد وترقی مکتبی علوم دینی معالی

ح . محمد شوکت

فلسفه

مادیون و مسکری

۳

اوجنچی فرقهده دیوردی که : اجرام علویه و آنک بولندینی هیئت قدم شخصی ایله قدیم اولدینی کبی سلسله حیوانات ایله نباتاتده قدم نوعیه ایله قدیمدر ؛ فقط بزور نباتیه وجرائیم حیوانیه نك جزئیاتندن هیچ بر شی قدم دکلدرد . آنجق هر بر جرثومه ایله بزور بر قالب منزله سیدر ، که دیگر جرثومه ایله بزور دن او قالبه مشاکل اولانلر آنده تکیون ایدرلر .

دیگرلرینک قوللری کبی بونلرکده ذاهب اولدینی بو نظریه پک محاکمه سز ، بناء علیه بدیهی البطالاندر . چونکه بودعوانک صحنه قائل اولق ایچون مطلقا مشاهداته کوز یومق ، قانون طبیعتدن غافل اولق لازمدر . زیرا دائما کوزمرك اوکنده طوران بر حقیقتدر که : خلقتی ناقص اولان حیواناتک پک چوقلرندن ، تام الخلقه حیوانات تولدایدیکی کبی ؛ خلقتی تام اولان بر حیوانندنده اصلنه مخالف اوله رق ناقص الخلقه و یا خود زائد الخلقه حیوانلر میدان کلیور . ایشته سلسله حیوانات اوزرنده جاری اولان شو حال بونلرک دعوی باطللرینک سخافتی تمامیه اورتیه قومقد در .

بونلردن بر جماعتده شو یولده بیان مطالعهده بولندیلر : انواع حیوانات ایله نباتات ، حالات مختلفهده دونوب طوردیلر ؛ مرور زمان ، تکرر ایام ایله مختلف صورتلر آلدیلر ، الکصوکره مشهودمن اولان صور و هیئته واصل اولدیلر . بورای باطله قائل اولانلرک اولی مشهور « اپیکور » در [۱] بونک زعم فاسدینه کوره انسانلر

[۱] ۲۷۰ مقدم میلاددر ، اپیکوره کوره معدومدن موجود صدور ایدهمدیکی کبی موجودده معدوم اوله مازدی ، چونکه اجسامک بعضیسی بعضیسنک آثارندن تکیون ایتدیکی بالتجربه ثابت ایدی . یالکیز بونک ایچون برسب عام بولنق لازمدی ، که اوکاده ماده اولیه دیور وماده اولیه نك اجسام بسیطه دقیقه دن عبارت اولان ذرات اولوب سائر اجسامک تصادف و اتفاق نتیجه سی اوله رق بوذراتدن تشکیل ایتدیکنی سویلوردی . اپیکور ، ذراتدن

کچیرمش اولدقلری اطوارک بعضیلرنده وحشی حیوانلرکی وجودینک هرطرفی قیللر ایله مستور ایمش ؛ فقط انسانلر دائما بولندقلری طوردن طور آخره انتقال ایدرک تدریجی بر صورتده تکامل ایده ایده شو کوریلن صورت حسنه وخلق قویمه واصل اولمشلر ؛ بونلره کوره صورتک بر حالدن دیگر حاله تبدلنه ، نوعک ترقیسنه علت ؛ مرور زماندر .

فقط بونلر مرور زمانک بوضورتله علت اوله بیلمسنه دائرنه بر دلیل کتیره بیلورلر ، نهده برهان اوزرینه استناد ایدیورلر ؛ یالکیز بر دعوادر کیدیور . بومذهبکده زمانمزدده کی مادیون مذهبندن بشقه برشی اولدینی نظام ایدیور . حتی بونک مذهبنه ، افکارینه زمانمز متفکرلری شایان همیت برشی بیله علاوه ایده میورلر .

قدم انواعه قائل اولق ایچجه بر زمانه قدر دوام ایدوب کلشدی ؛ فقط نه زمان که « علم طبقات الارض » بومسائل معلقه طبیعتک اوزرنده کی مظلم برده لری قالدیردی ، اوزمان موالید حقنده قدم نوعیه قائل اولانلرک قوللرینک بطلانی آکلشلدی .

بوندن صکره متأخرین مادیین اولجه درمیان ایتدکلری فکرندن رجوع ایدرک حادث اولدینی سویلیدیلر . مع هذا بودفعدهه ایکی بحثده اختلاف ایتدیلر :

۱ - جرائیم نباتیه و حیوانیه نك نه صورتله تکیون ایلدیکی ، بومسئله حقنده سرد مطالعه ایدن افکار مختلفه دن بریسی شو یولده بیان مطالعه ایدیوردی : کره ارض ، کره شمسن آتشفشان بر حالده ایرلدقندن صکره پک چوق زمانلر یکپاره بر آتش کبی کندی محورنده دوران ایتدی ؛ بالا آخره ارض ، انجماد ایدرک التهابی تناقص ایلکه باشلادی ، بدرجهیه قدر کلدی ، که اوزمان ارض اوزرنده جرائیم (تخم) حیوانیه و نباتیه نك یشایه بیلمسی قابلدی . ایشته اوزمان بو قدر حیوانات و نباتات مختلفه نك تخملری تکیون ایلش ، طبیعت طرفندن سر بیلمشدر ؛ فقط صوکره لری کره ارضک اوطوری منقضى اولدینی ایچون تکیون جرائیمده منقطع اولمشدر . بناء علیه حال حاضرده ارضک طبیعتی بوکا مساعد دکلدرد .

دیگر برفرقده بونلرک کلیاً خلافت اوله رق دیوردی که : تکیون جرائیم منقطع اولمامشدر ؛ دست فیاض طبیعت اولجه تخم حیاتی نصل سریدی ایسه الآن دوام ایدیور ، علی الخصوص حرارتک زیاده سیله بشقه برده اصل ثانی بولندیقنه ذاهب و آنکده فراغ اولدینی قبول ایدیوردی . فقط فراغ ، اجسامک ترکیبی ایچون دکل ، حرکتی ایچون اصلدر ، دیر ایدی . کائناتده کی کوریلان اختلافک منشائی ذراتک ترکیبنده کی تقدم وتأخر ایله اولان اختلافه حمل ایدیور و ذراتی حروف مبانی به تشبیه ایدیوردی ، مثلاً : « بکر » ، « رکب » ، « کرب » ، « ربک » کله لری بر طاقم کلمات مختلفه اولدقلری حالده حرفلری بردر . کائناتده کی اختلافده بویله جهدر . اپیکوره کوره کائنات قدیم اولدینی کبی ایدیدر ، لایتناهیدر ، روح جسمدر ، جسم اوله سه جسمه تعلق ایده مزدی . شیمدی قورت وسائر حشرات طو پراقندن نصل چیقمش سه ، بدایه انسانلرده اوله جه برلردن چیهوب توره مش ، بالا آخره تکامل ایدرک شیمدیکی حالی اکتساب ایشدر .